

晉城歷史名人文存
吳廣隆 馬甫平 主編

東谷集

清白胤謙 著
第八冊

中州古籍出版社

吳廣隆 編審
馬甫平 點校

東谷集

清白胤謙 著
第八冊

中州古籍出版社

圖書在版編目 (CIP) 數據

東谷集/(清)白胤謙著;馬甫平點校.—鄭州:中州古籍出版社,2016.3

(晉城歷史名人文存)

ISBN 978-7-5348-5980-9

I. ①東… II. ①白… ②馬… III. ①古典詩歌—詩集—中國—清代②古典散文—散文集—中國—清代 IV.

① I214.92

中國版本圖書館 CIP 數據核字 (2016) 第 043123 號

叢書名:晉城歷史名人文存

書名:東谷集

著者:(清)白胤謙著;馬甫平點校

責任編輯:王建新

責任校對:賈群

出版社:中州古籍出版社

(地址:鄭州市經五路66號 郵政編碼:450002)

發行單位:新華書店

承印單位:晉城市新浪印業有限公司

開本:850mm×1168 mm 1/32

印張:57.875

字數:512千字

印數:1-700套

版次:2016年3月第1版

印次:2016年3月第1次印刷

定價:480.00元(全套八冊)

本書如有印裝品質問題,請與承印廠聯繫調換。

念園存稿卷三目錄

文

至德祥刑頌 (一六〇八)

武舉會試錄後序 (一六一一)

武舉會試錄後序 (一六一五)

陽城縣志序 (一六二〇)

公饒邑侯陳公詩序 (一六二一)

武方塘詩序 (一六二三)

送河陽薛夫子歸壽序 (一六二五)

沈太公八十序 (一六二八)

東谷集

念園存稿

卷三

一六〇八

壽瀛洲兄詩序

.....

(一六三一)

潤城夫子廟碑

.....

(一六三五)

贈兵部尚書勤毅胡公神道碑

.....

(一六三七)

顏神廟碑記

.....

(一六四四)

棲龍潭神廟碑記

.....

(一六四七)

南岳景行書院碑記

.....

(一六四九)

念園存稿卷三目錄終

念園存稿卷三目錄

文

至德祥刑頌 (一六〇八)

武舉會試錄後序 (一六一一)

武舉會試錄後序 (一六一五)

陽城縣志序 (一六二〇)

公饒邑侯陳公詩序 (一六二一)

武方塘詩序 (一六二三)

送河陽薛夫子歸壽序 (一六二五)

沈太公八十序 (一六二八)

東谷集

念園存稿

卷三

一六〇八

壽瀛洲兄詩序

.....

(一六三一)

潤城夫子廟碑

.....

(一六三五)

贈兵部尚書勤毅胡公神道碑

.....

(一六三七)

顏神廟碑記

.....

(一六四四)

棲龍潭神廟碑記

.....

(一六四七)

南岳景行書院碑記

.....

(一六四九)

念園存稿卷三目錄終

念園存稿卷三

清 白胤謙 著

文

至德祥刑頌

順治十五年十二月四日，太子太保吏部尚書臣孫廷銓、刑部尚書臣白胤謙、侍郎臣杜立德，恭侍皇上南苑，而訊江南舉人程度淵，厥情既得，上爰顧左右，申諭言曰：『朕于天下臣民視之如一，用刑豈朕得已？惟一二姦慝不率于憲，是用赫然，冀以儆其餘。雖然，朕心大弗忍。令繼今胥納于化，將爲天下究去殺焉，實朕之幸願也。』欽哉，天語！惟臣民之福，惟社稷億萬年無疆之休。臣等謹按《尚書》帝舜之命皋陶曰：『明于五刑，以弼五

東谷集

念園存稿

卷三

一六一〇

教，刑期于無刑，民協于中。』蔡沉傳曰：『聖人之治，以德爲化民之本，而刑以輔其所不及，始雖不免于用刑，而實所以期至于無刑之地，故民亦皆能協于中道，則刑果無所施矣。』及後，周穆王之訓呂侯曰：『告爾祥刑。』蔡沉傳曰：『刑期于無刑，民協于中，其祥莫大焉，實亦推本典謨之意。』我皇上道合覆載，仁育萬物，浹歲肆赦停刑緩死之旨屢下，今年秋決纔七罪。當覆奏時，御筆橋而不落者至再三，揆之面諭所云，誠與舜齊德矣，非刑之祥而何？臣等不勝忭慶，敬再拜，稽首撰頌一章以紀上恩德之隆，并欲宣告中外臣庶，使仰體皇上生成至念，各務浣垢剔瑕，芟去邪萌，罔自外于聖人之化。臣等實幸甚幸甚！頌曰：清

受天命，仁義爲威。德教四溢，人同物歸。九州洽壹，文物斯烝。治用斌斌，不肅而成。孰是穿窬？以莠雋典。上震疊之，厥辜載殄。亦越見聞，咸寒振慄。上撫導之，避凶擇吉。曰汝無畏，其畏其心。予不其忍，其忍其身。凡其有身，疇弗若予。疇弗自爲，而甘予鋤。予時乃禹，下車汝泣。盍保汝常，免刑之即。嗚呼聖言！既昭孔仁。孰諦聽之，弗信以遵。而父而子，而兄而弟。稟教相淑，援禮自治。聖度式弘，六合在宥。無刑之刑，懸彼屋漏。始也哀矜，終也樂愉。萬邦恬熙，無詐與虞。馴致刑措，囹圄遂空。至德涵濡，與天無窮。

武舉會試錄後序

東谷集

念園存稿

卷三

一六二

順治十有二年秋，會試天下武士。臣胤謙實奉命較籌，略錄成，

例序于後。臣山右謏儒，猥以經術事上，兢兢懼弗稱。矧茲韜鈴

役媿生未嫺習，而敢以相士？顧幸皇上嘉惠介冑，親提衡拔擢訓

練之，暨諸所登賚典曠而寵渥若此。臣伏繹詔言，豈伊二三武士

是屬？母亦惟是居安慮遠，不欲使文武之道畸于二，凡所以立教

之意深且至耳。蓋孔子不言軍旅，而教民期于即戎。由今思其所

謂教者，宜不出仁義德禮倫紀之事而坐作進退止齊之法，不使耳

目手足素肄習之，亦何恃而稱好謀成事戰則克者耶？是故先王之

治，無事則寓兵于農，有事則六卿皆將，蓋其所以爲教者雖百歲

可不試，然不可一日忘也。嘗讀《詩》至《江漢》，曰：『王國

庶定，王心載寧。』而其始必欲得滔滔洸洸之武。夫經營四方以告成于王，然後可幾四方之平，而定王國以寧王之心。又讀《常武》，王命卿士，整師陳行，必先之以敬戒。豈非其時上有常德立武之君，董育儲待有道，而後奔奏禦侮，咸折衝萬里之英，不至戢而時動嘆才匱也。今諸士遭逢盛際，承鷹揚之烈而沐兔置之澤，其置在陛楯者，既日親法駕、服習威儀，無慮即虎賁長子之選，餘亦黽勉淬厲，足備國家干城腹心之任。顧臣竊謂皇上之進諸士也不徒以名，而諸士之所自矢以報皇上者，亦惟以實而已。是故工技擊、按營伍不足以爲能，明約束、洞利害不足以爲智，搃旗奪壘、潛地動天不足以爲勝。而屹然獨貴一誠，誠則無二

東谷集

念園存稿

卷三

一六一四

心、無欺事、無匿才，一旦應國家緩急，利有所不趨，艱有所不避，善有所不矜，積其忠篤一念，爲天子仗信以建樹光明俊偉之業，直取諸懷抱而有餘。故曰誠者立事之本、人臣事君之準則也。且諸士不講射乎？射之爲言繹也，各繹己之志也。故心欲平，體欲正，持弓矢欲審，固先王于此觀德行焉。諸士誠，就此控弦鳴鏑之中，深惟夫比禮比樂之故。以至循法奉職之間，胥不失正己後發之道。從此畜練其神明、運用其策力，則心純而志壹、智深而勇沉，無猛戾鷙悍之氣而復不爲陰秘險譎之習，豈不亦韎韐跗注君子哉！異時握龍虎符當一面，計必鎮靜如山、昭晰如日、決斷如干將莫邪，不難著勛疆場而獻成功于社稷，曰止一

誠之所造耳。昔聖賢論誠必兼天道人道，蓋盡人即所以合天，舉天下之剛脆哲愚，俱可奮于是而無論。夫時之安危、勢之阻易、境之遠邇，畢奉爲經綸康濟之基。然則名也者，上所爲責下之實，而實也者，下所爲副上之名也。諸士期以實報皇上，惟秉一誠自勗而已矣。且夫忠槩之誼，在一人自靖者猶狹，合千萬人共效則力萃而功弘。諸士業精白乃心毅然，以真悃相先將，使天下之抱誠而思獻以應，上鼓舞振作之求者，又寧有窮乎！是說也，豈獨二三武士願與諸臣並勉之，庶無負皇上立教天下不欲畸視文武之至意也云爾！

武舉會試錄後序

代

東谷集

念園存稿

卷三

一六一六

今年己丑秋，復當會試天下武士。上既命臣某偕臣某司較文之役，取士如制，錄將獻，臣宜序言末簡。臣惟古者，文武合出一途，後雖異科，而武士嘗不廢文，其法所繇遠耳。我皇上神武開基，知人善任，諸佐命親賢大臣無慮皆文武爲憲，以暨從龍俊彥，并軌宣翼要自不乏，即下而熊羆爪牙之選，莫不胥赫赫然嘽嘽然矣。亦安所事若曹爲，而汲汲乎再舉爲此者，豈其《大風》猛士之思？抑式蛙市駿、廣厲天下之意云爾？人不必盡生而材，夫苟鼓之，未有不舞之者也。國家誠嘉重干城腹心之寄，而務登用之。將使與帶礪以下公聽并觀，蟠木輪囷，皆得爲萬乘之資也明矣。以臣今日觀爾多士射鵰步馳而外，復能陳形便條利害，言

之瞭如指掌，庶幾哉！謨謀爲劍戟，策略爲旌旗。以之乘陵風雲，未必無尺寸効，其敢曰紙上之言而已乎？雖然，臣之望若者不遽止此。亦曰將以求其所爲天下之將，佐聖天子仁義之治耳。

太公曰：『得賢將者兵強國昌。』又言：『士外貌不與中情相應者，知之嘗有八徵。』今既已問之以言，窮之以辭，可以得其詳變不必盡其全也。臣家解梁，關漢壽之所生也。漢壽軼群絕倫，善《左氏春秋》，發爲人心、天日之論，古今論賢將者必歸之。

臣生其鄉，雖不習武事，竊謂當斯世，有其人爲之執鞭，所忻慕焉。今在收者，凡若而人業濟濟然慶遭逢。或習聞明季將權之輕，文武太分，卒及於敗，而不深責其所謂將帥賢否之故與！然

東谷集

念園存稿

卷三

一六一八

而明季之將，亦不爲不重矣。盜賊者國之患，而將帥利之。故嘗舉十倍之勢，立毫芒之功，以藉其口而貪其利。將重而寇愈多，所以敗也。孫子曰：『務勝敵而不務得財，使其利不在於殺人。』爲將者誠慎守乎！是說則所稱賢而爲國之賴矣。昔鄧禹師行有紀，赤眉望風相携迎降者日以千數；馮異討赤眉，光武戒之曰：『元元塗炭無所依訴，諸將非不健鬪，然好鹵掠。』異、禹受之，卒降男女衆，號百萬。赤眉以平韓弘舉大梁，以所得美婦人遺李光顏，光顏流涕卻之，曰：『何忍以聲色自娛悅也！』曹武惠攻金陵，誓不妄戮一人。大搜軍中，無得匿人妻女。歸舟惟圖籍衣被。及太祖論責伐蜀諸將黷貨殺降之罪，衆曰：『不負陛下者，